



**NORMATIV-HUQUQIY HUJJATLAR
LOYIHASINI ISHLAB CHIQISH VA
KELISHISHNING YAGONA ELEKTRON TIZIMI**

ID-3615 (V-1)

O'zbekiston Respublikasi Vazirlar Mahkamasi Qarori

**Bojxona bojxona sohasidagi tartib-taomillari yanada
takomillashtirish, o'z ahamiyatini yo'qotgan hamda amalga
oshirish mexanizmlari bilan ta'minlanmagan normalar va huquqiy
bo'shliqlarni bartaraf etish to'g'risida**

O'zbekiston Respublikasi Bojxona kodeksiga asosan, bojxona sohasidagi tartib-taomillarini yanada takomillashtirish, o'z ahamiyatini yo'qotgan hamda amalga oshirish mexanizmlari bilan ta'minlanmagan normalar va huquqiy bo'shliqlarni bartaraf etish hamda Hukumatning ayrim qarorlari ijrosini ta'minlash maqsadida Vazirlar Mahkamasi qaror qiladi:

1. Bojxona nazorati ostidagi tovarlarni inventarizatsiya qilish tartibi to'g'risida nizom 1-ilovaga muvofiq tasdiqlansin.

2. O'zbekiston Respublikasi Hukumatining 2-ilovaga muvofiq ayrim qarorlariga quyidagilarni nazarda tutuvchi o'zgartirish va qo'shimchalar kiritilsin:

raqamli markirovkalanadigan tovarlarni erkin muomalaga chiqarish bojxona rejimiga rasmiylashtirishda, markirovkalash sharti bilan shartli chiqarish bojxona rejimiga rasmiylashtirishga ruxsat berish;

tovarlarni vaqtincha olib kirishda bojxona bojlari va soliqlarni to'lashdan shartli ozod etishning aniq muddatlarini belgilash;

jismoniy shaxslar tomonidan bojxona chegarasi orqali dori vositalari, tibbiy buyumlar va biologik faol qo'shimchalarni olib o'tish tartib-taomillarini yanada takomillashtirish;

bojxona to'g'risidagi qonunchilik talablari o'rtasida vujudga kelgan nomuvofiqliklarni hamda noaniq normalarni bartaraf etish.

3. O'zbekiston Respublikasi Iqtisodiyot va moliya vazirligi huzuridagi Bojxona qo'mitasi manfaatdor vazirlik va idoralar bilan birgalikda o'zlari qabul qilgan normativ-huquqiy hujjatlarni bir oy muddatda ushbu qarorga muvofiqlashtirsin.

4. Mazkur qarorning bajarilishini nazorat qilish O'zbekiston Respublikasi Bosh vazirining o'rinbosari — iqtisodiyot va moliya vaziri J.A. Qo'chqorov zimmasiga yuklansin.

Vazirlar

Mahkamasining 2024-yil ____ dekabrdagi ____-son
qaroriga
1-ILOVA

**Bojxona nazorati ostidagi tovarlarni inventarizatsiya qilish
tartibi to'g'risida
NIZOM**

1-bob. Umumiy qoidalar

1. Ushbu Nizom bojxona organi xodimlari tomonidan bojxona nazorati ostida turgan tovarlarni inventarizatsiya qilish tartibini belgilaydi.

2. Mazkur Nizomda tartib-taomillar bojxona ombori, vaqtincha saqlash, vaqtincha olib kirish, boj olinmaydigan savdo, erkin bojxona zonasi, erkin ombor bojxona rejimlariga joylashtirilgan, shuningdek, shartli chiqarib yuborilgan bojxona nazorati ostidagi tovarlarni ular dastlab bojxona rejimiga joylashtirilgan vaqtdagi holatida (but, yaroqli, o'zgarishsiz va h.k.) saqlanayotganligiga aniqlik kiritish, bojxona rejimlari talablari va shartlariga rioya qilinganligini joylashgan manzilga borgan holda o'rganishga qaratilgan.

3. Ushbu Nizomda quyidagi asosiy tushunchalar qo'llaniladi:

tovarlarni inventarizatsiya qilish (keyingi o'rinlarda – inventarizatsiya qilish deb yuritiladi) – bojxona organi xodimlari tomonidan bojxona nazorati

ostida turgan tovarlarni bevosita saqlash joyiga borgan holda mavjudligini tekshirish, miqdorini aniqlash maqsadida sanash yoki o'lchash, foydalanishdagi yaroqlilik holatini o'rganishdan iborat;

bojxona organi qarori – bojxona organi boshlig'i yoki uning o'rnini bosuvchi shaxs tomonidan o'z vakolati doirasida mazkur Nizomning 1-ilovasiga muvofiq shaklda qabul qilingan hujjat;

bojxona organi mansabdor shaxsi – inventarizatsiya qilish vazifasi yuklatilgan bojxona organi xodimi;

vakolatli shaxs – tovarlarni bojxona rejimiga rasmiylashtirgan yoki ushbu tovarlarni bojxona nazorati ostida belgilangan talablar va shartlar asosida saqlash majburiyatini olgan shaxs;

inventarizatsiya dalolatnomasi – bojxona organi xodimi tomonidan inventarizatsiya qilish natijalari bo'yicha rasmiylashtiriladigan hujjat;

inventarizatsiya dalolatnomasini elektron shakli (keyingi o'rinlarda – elektron shakl deb yuritiladi) – O'zbekiston Respublikasi Iqtisodiyot va moliya vazirligi huzuridagi Bojxona qo'mitasining (keyingi o'rinlarda – Bojxona qo'mitasi) axborot tizimida, shu jumladan, mobil ilovalar orqali tuzilgan inventarizatsiya dalolatnomasi.

4. Tovarlarni inventarizatsiya qilish vakolatli shaxs ishtirokida bojxona organi mansabdor shaxsi tomonidan amalga oshiriladi.

5. Inventarizatsiya qilish quyidagi hollarda amalga oshiriladi:

bojxona nazorati ostidagi tovarlar belgilangan talab va shartlar asosida saqlanayotganligi yoki foydalanilayotganligi o'rganilayotganda;

tovarlar saqlanayotgan joyda tabiiy ofatlar, yong'inlar, baxtsiz hodisalar yoki ekstremal sharoitlar yuz berganda;

bojxona nazorati ostidagi tovarlar bilan g'ayriqonuniy operatsiyalar o'tkazilganligi yoki o'tkazilayotganligi to'g'risida ma'lumot bo'lganda;

bojxona organlariga boshqa huquqni muhofaza qilish organlari yoki davlat boshqaruvi organlaridan tushgan materiallar, shuningdek, xorijiy davlatlarning bojxona va boshqa davlat organlari va xalqaro tashkilotlardan olingan ma'lumotlar mavjud bo'lganida.

6. Inventarizatsiya qilishda zaruratga ko'ra maxsus bilim va malakaga ega, xolis, tekshiruv natijalaridan manfaatdor bo'lmagan mutaxassis va ekspertlar jalb qilinishi mumkin.

2-bob.Tovarlarni inventarizatsiyasi qilishni belgilash va o'tkazish bo'yicha qoidalari

7. Bojxona nazorati ostida turgan tovarlarni va transport vositalarini inventarizatsiya qilish bojxona organi boshlig'ining yoki uning o'rnini bosuvchi shaxsning qaroriga ko'ra bojxona organining mansabdor shaxslari tomonidan amalga oshiriladi.

Inventarizatsiya qilish uchun O'zbekiston Respublikasi Prezidenti huzuridagi Tadbirkorlik subyektlarining huquqlari va qonuniy manfaatlarini himoya qilish bo'yicha vakil bilan kelishish yoki xabardor qilish talab etmaydi.

8. Bojxona organlari inventarizatsiya qilish boshlanishi haqida kamida 5 ish kuni oldin vakolatli shaxsni xabardor qiladi.

Bojxona organlariga bojxona nazorati ostidagi tovarlar bilan g'ayriqonuniy operatsiyalar o'tkazilayotganligi to'g'risida murojaat kelib tushganda yoki huquqni muhofaza qiluvchi organlarining bergan xabari asosida inventarizatsiya qilish vakolatli shaxsni oldindan xabardor qilmasdan amalga oshirilishi mumkin.

9. Bojxona organi mansabdor shaxsi o'zining xizmat guvohnomasini inventarizatsiya qilish boshlanishidan avval vakolatli shaxsga ko'rsatishi hamda inventarizatsiya qilish to'g'risidagi bojxona organi qarori nusxasini taqdim etishi lozim.

10. Vakolatli shaxs bojxona organi mansabdor shaxsiga tovarlar saqlanayotgan bino yoki hududga kirishini ta'minlaydi.

Agar normativ-huquqiy hujjatlarda bojxona nazorati ostida turgan tovarlar joylashgan bino va hududlarga kirishning alohida tartibi nazarda tutilgan bo'lsa, teng kuchga ega yoki yuqori turuvchi normativ-huquqiy hujjat talablari e'tiborga olinadi.

Vakolatli shaxs bojxona organi mansabdor shaxslarini tovarlar joylashgan bino va hududlarga kirishiga to'sqinlik qilsa yoki tovarlarni ko'rsatishdan bosh tortsa, mazkur Nizomning 3-ilovasiga asosan dalolatnoma tuziladi va tezkor tuzilmalarni xabardor qilgan holda qonunchilik hujjatlarida belgilangan tartibda kuch va maxsus vositalarni qo'llash orqali ushbu hududga kirishi mumkin.

11. Inventarizatsiya qilish muddati besh ish kunidan oshmasligi kerak.

12. O'tkazilgan inventarizatsiya yakunlari bo'yicha mazkur Nizomning 2-ilovasiga muvofiq Inventarizatsiya qilish dalolatnomasi, qog'ozda yozma shaklda deklaratsiyalangan tovarlar bo'yicha yozma, boshqa holatlarda, elektron shaklda tuziladi.

Yozma shaklda tuzilgan Inventarizatsiya qilish dalolatnomasi bojxona yuk deklaratsiyasi bilan birga saqlandi.

Inventarizatsiya qilish dalolatnomasi tovarlar bojxona nazorati ostida turgan tovar maqomini yo'qotgunga qadar inventarizatsiyani amalga oshirgan bojxona organida saqlanadi.

Inventarizatsiya qilish jarayonida bojxona to'g'risidagi qonunchilik hujjatlari talablari buzilganlik holatlari aniqlanganda elektron shaklda tuzilgan inventarizatsiya qilish dalolatnomasi qog'ozda chop etilib,

ishtirokchilar tomonidan imzolanadi va tasdiqlanadi. Vakolatli shaxsning murojaatiga asosan mazkur dalolatnoma nusxasi taqdim etiladi.

13. Mazkur Nizomning 2-ilovasida asosan dalolatnomada quyidagi ma'lumotlar ko'rsatiladi:

tuzilgan joy va sana;

inventarizatsiya o'tkazgan bojxona organi nomi;

inventarizatsiya qilish boshlangan va tugallangan sana;

inventarizatsiyadan o'tkazilayotgan joy nomi;

inventarizatsiya natijalari;

tovarlar to'g'risidagi ma'lumotlar;

inventarizatsiyada ishtirok etgan shaxslarning F.I.O va imzosi;

Agar inventarizatsiya qilishda tafovutlar aniqlansa, ushbular haqida ma'lumotlar kiritiladi.

3-bob. Tovarlarini inventarizatsiya qilishda bojxona organlari mansabdor shaxslarining huquq va majburiyatlari

14. Bojxona organi mansabdor shaxslari quyidagi huquqlarga ega:

inventarizatsiya qilish uchun bojxona nazorati ostida turgan tovarlar joylashgan bino va hududga kirish;

vakolatli shaxsdan inventarizatsiyadan o'tkazilayotgan tovarga tegishli bojxona organlari axborot tizimida mavjud bo'lmagan hujjatlarni talab qilib olish;

vakolatli shaxsdan inventarizatsiya qilish uchun tovarlarni taqdim etishni talab qilish;

zarur bo'lganda, maxsus bilim va malakaga ega, xolis, tekshiruv natijalaridan foydalanadigan bo'lmagan mutaxassis va ekspertlarni jalb qilish;

inventarizatsiyani qilish uchun nazorat texnik vositalar va qurilmalar bilan ta'minlab berishni talab qilish;

qonunchilik hujjatlarida nazarda tutilgan boshqa harakatlarni amalga oshirish.

15. Bojxona organi mansabdor shaxslarining majburiyatlari:

vakolatli shaxsning huquqlari va qonuniy manfaatlarini hurmat qilish, ularga nisbatan noqonuniy qarorlar va harakatlar (harakatsizlik) bilan zarar yetkazilishining oldini olish;

inventarizatsiya qilish tartiblariga rioya qilish;

vakolatli shaxsga inventarizatsiya qilish haqidagi qaror nusxasini berish va unga xizmat guvohnomasini ko'rsatish;

inventarizatsiya qilish davomida vakolatli shaxsning belgilangan ish rejimini buzmaslik;

inventarizatsiya qilishda olingan har qanday ma'lumotdan faqat bojxona maqsadlarida foydalanish;

o'z xizmat vazifasini bajarish chog'ida o'ziga ma'lum bo'lgan maxfiy ma'lumotlarni va qonun bilan qo'riqlanadigan boshqa sirlarni tashkil etuvchi ma'lumotlarni oshkor qilmaslik;

vakolatli shaxsning murojaatiga binoan inventarizatsiya qilish tartibiga oid qoidalar to'g'risida zarur ma'lumotlarni taqdim etish;

inventarizatsiya qilishda olingan va tuzilgan hujjatlarning saqlanishini ta'minlash;

inventarizatsiya natijasida bojxona to'g'risidagi qonunchilik hujjatlari buzilishi holatlari aniqlanganda, qonunchilikda belgilangan tartibda choralarni ko'rish;

bojxona to'g'risidagi qonunchilik hujjatlarida nazarda tutilgan boshqa majburiyatlarni bajarish.

4-bob. Tovarlarini inventarizatsiya qilishda vakolatli shaxsning huquq va majburiyatlari

16. Vakolatli shaxs quyidagi huquqlarga ega:

bojxona organi mansabdor shaxsidan inventarizatsiya qilish uchun asos bo'lgan hujjatlar bilan tanishish, undan nusxa olish va uni amalga oshirish tartibiga oid qonunchilik hujjatlari va qoidalari to'g'risida tushuntirish olish;

bojxona organlarining qarorlari va harakatlari (harakatsizligi) ustidan qonunchilik hujjatlarida belgilangan tartibda shikoyat qilish;

qonunchilik hujjatlarida nazarda tutilgan boshqa huquqlardan foydalanish.

17. Vakolatli shaxslarning majburiyatlari:

inventarizatsiya qilinayotganda hozir bo'lish va bojxona organi mansabdor shaxslariga zarur ko'mak ko'rsatish;

inventarizatsiya qilish uchun so'ralgan tovarlarni taqdim etish;

bojxona organi mansabdor shaxsining talabiga binoan, tovarlarga tegishli bojxona organlari axborot tizimida mavjud bo'lmagan hujjatlarni taqdim etish;

inventarizatsiya qilish uchun bojxona nazorati ostida turgan tovarlar joylashgan bino va hududlarga bojxona organi mansabdor shaxslarining

to'siqsiz kirishini ta'minlash;

qonunchilik hujjatlarida nazarda tutilgan boshqa majburiyatlarni bajarish.

5-bob. Inventarizatsiya qilishni boshlash, o'tkazish va yakunlash tartibi

18. Inventarizatsiya qilish boshlanishidan avval:

bojxona organi mansabdor shaxsi Bojxona qo'mitasining axborot tizimlaridan inventarizatsiyadan o'tkaziladigan tovarlar to'g'risidagi eng so'ngi ma'lumotlarni olishi;

vakolatli shaxs tovarlarni sanash, o'lchash va boshqa bojxona nazorati tartib-taomillarini amalga oshirish uchun qulay bo'lgan holda, tovarlar turi, xususiyati va o'lchamlariga asosan joylashtirish choralarini ko'rishi shart.

19. Inventarizatsiya qilish jarayonida tovarlarning mavjudligi, ularning belgilangan talablar va shartlar asosida saqlanayotganligi tovarlarni bevosita ko'rish orqali aniqlanadi. Bunda, tovarlarning miqdoriga aniqlik kiritilishi mumkin.

20. Maxsus jihozlangan joylarda saqlanayotgan o'yiluvchan, to'kiluvchan yoki quyiluvchan tovarlarni inventarizatsiya qilish matematik hisob-kitob usullariga asoslanadi.

6-bob. Yakunlovchi qoidalar

21. Inventarizatsiya qilish natijasida bojxona to'g'risidagi qonunchilik talablarining buzilganlik holati aniqlanganda, qonunchilikda belgilangan choralar ko'riladi.

22. Mazkur Nizom talablarining buzilishida aybdor bo'lgan shaxslar qonun hujjatlarida belgilangan tartibda javobgar bo'ladilar.

Bojxona
nazorati ostidagi tovarlarni inventarizatsiya qilish
tartibi to'g'risidagi Nizomga
1-ilova

**Tovarlarni inventarizatsiyadan qilish to'g'risida bojxona
QARORI**

20_____ yil “___” _____
(kun) (oy)

(bojxona organi nomi)

(inventarizatsiya qilish uchun asos)

(vakolatli shaxsning nomi (F.I.O.), joylashgan joyi va (yoki) haqiqatda fao

(inventarizatsiya qilishga jalb qilingan boshqa shaxslarning F.I.O.

QAROR QILAMAN:

(inventarizatsiyani o'tkazuvchi bojxona organi mansabdor shaxslarning

Inventarizatsiya qilish muddati _____ yil _____ dan boshlab
(yil) (kun/oy)

_____ yil _____ gacha etib belgilansin.
(yil) (kun/oy)

Bojxona nazorati ostidagi tovarlarni inventarizatsiya qilishda ul
haqiqatda mavjudligi hamda qonunchilik hujjatlaridagi talab va shartlar a
o'rganilsin.

(mansabdor shaxsning lavozimi)

(imzo)

nazorati ostidagi tovarlarni inventarizatsiya qilish

tartibi to'g'risidagi Nizomga 2-ilova

Inventarizatsiya qilish
DALOLATNOMASI

20__ yil “__” _____

Bojxona organi:

Inventarizatsiya boshlangan sana:

Tovar saqlanayotgan joy nomi:

Mavjud tovarlar to'g'risida ma'lumot:

Yak
Inventari:

№	Bojxona deklaratsiyasi raqami	Bojxona rejimi kodi	STIR	Tashkilot nomi	

Ruxsatsiz foydalanilgan tovarlar to'g'risida ma'lumot:

№	Bojxona deklaratsiyasi raqami	Bojxona rejimi kodi	STIR	Tashkilot nomi	

--	--	--	--	--

Dalolatnoma barcha ishtirokchilarga baland ovozda o'qib eshittirildi, ishtirokchilardan xech qand Ushbu dalolatnomani to'g'ri deb imzo chekuvchilar:

Ishtirokchilar:

_____	_____	_____
(vakolatli shaxs F.I.O.)	(imzo)	(M)
_____	_____	
(mutaxassis/ekspert F.I.O.)	(imzo)	
_____	_____	_____
(bojxona xodimi F.I.O.)	(imzo)	(M)

Bojxona
nazorati ostidagi tovarlarni inventarizatsiya qilish
tartibi to'g'risidagi Nizomga
3-ilova

**Inventarizatsiyani o'tkazuvchi bojxona organi mansabdor
shaxslarni vakolatli shaxsning obyektlariga (hududlarga yoki
binolarga) kirishiga to'sqinlik qilinganlik va (yoki) vakolatli shaxs
o'z majburiyatini to'liq bajarmaganligi to'g'risidagi
DALOLATNOMA**

(Dalolatnoma tuzilgan joy)

Men, _____

(Dalolatnoma tuzgan mansabdor shaxsning F.I.O., lavozimi)

(bojxona organi qarori raqami, sanasi)

(inventarizatsiya o'tkazilishi lozim bo'lgan vakolatli shaxsning nomi va joylashgan manzili)

(vakolatli shaxsning obyektlar (hududlar yoki binolar)ning joylashgan joyi, ushbu obyektlarga kirishga to'sqinlik qilinganlik va (yoki) vakolatli shaxs o'z majburiyatini to'liq bajarmaganligi holati tafsilotlari

Holat yuzasidan sodir etgan vakolatli shaxsning tushuntirishi yoki
bayonnomani imzolashdan bosh tortganligi:
Bayonnomaga qo'shimchalar va ilovalar:

(video va fotosuratlar, xolislar (F.I.O.) va boshqalar)

vakolatli shaxsga uning huquq va majburiyatlari tushuntirildi.

(Vakolatli shaxs F.I.O)

(Imzo) _____

(Xolis sifatida qatnashgan shaxs F.I.O)

(Imzo) _____
(Xolis sifatida qatnashgan shaxs F.I.O)

(Imzo) Dalolatnomani tuzdim:

(Bojxona organi mansabdor shaxsi F.I.O)
(Imzo)

Vazirlar

Mahkamasining 2024-yil

dekabrdagi ____-son qaroriga
2-ILOVA

**O'zbekiston Respublikasi Hukumatining ayrim qarorlariga
kiritilayotgan o'zgartirish va qo'shimchalar**

1. Vazirlar Mahkamasining “Avtomobilda xorijiy yuk tashuvchilarning o'zbekiston respublikasi hududiga kirishlari, bo'lishlari, yuk olib o'tishlari va undan chiqib ketishlari tartibi to'g'risida” 1995-yil 11-yanvardagi 11-son qarori:

1) 5-bandi uchinchi xatboshi quyidagi tahrirda bayon etilsin:

“Hujjatlarni rasmiylashtirish, xorijiy davlatlar avtotransport vositalarining O'zbekiston Respublikasi hududiga kirganligi hamda tranzit o'tishi uchun yig'im to'lanishi ustidan nazorat bojxona organlari axborot tizimlari ma'lumotlaridan foydalangan holda Transport vazirligi tomonidan amalga oshiriladi.”;

2) 6-bandi beshinchi xatboshi chiqarib tashlansin;

3) 7-bandi to'rtinchi xatboshi quyidagi tahrirda bayon etilsin:

“O'zbekiston Respublikasiga kirib kelayotgan avtotransport vositalarining ruxsat etilgan vazn va gabarit parametrlariga rioya etilishi

ustidan nazorat Transport vazirligi tomonidan bojxona organlari axborot tizimlari ma'lumotlaridan foydalangan holda amalga oshiriladi.”;

4) 4-ilovasining 3-bandi “v” kichik bandi quyidagi tahrirda bayon etilsin.

v) tovarlarni tashish Yuklarni xalqaro yo'llarda tashish daftarchasini qo'llagan holda yuklarni xalqaro tashish to'g'risidagi Konvensiya talablariga asosan amalga oshirilganda XYT daftarchasi (TIR karneti);

2. Vazirlar Mahkamasining “Dori vositalari va tibbiy buyumlarni jismoniy shaxslar tomonidan shaxsiy foydalanish uchun olib kirish hamda olib chiqish tartibi to'g'risidagi Nizomni tasdiqlash haqida” 2016-yil 8-iyundagi 191-son qarori:

5) nomlanishi quyidagi tahrirda bayon etilsin:

Dori vositalari, tibbiy buyumlarni va biologik faol qo'shimchalarni jismoniy shaxslar tomonidan shaxsiy foydalanish uchun olib kirish hamda olib chiqish tartibi to'g'risidagi nizomni tasdiqlash haqida

6) 1-bandi quyidagi tahrirda bayon etilsin:

1. Dori vositalari, tibbiy buyumlarni va biologik faol qo'shimchalarni jismoniy shaxslar tomonidan shaxsiy foydalanish uchun olib kirish hamda olib chiqish tartibi to'g'risidagi nizom ilovaga muvofiq tasdiqlansin.

7) ilovasining nomlanishi quyidagi tahrirda bayon etilsin:

Dori vositalari, tibbiy buyumlarni va biologik faol qo'shimchalarni jismoniy shaxslar tomonidan shaxsiy foydalanish uchun olib kirish hamda olib chiqish tartibi to'g'risidagi nizom

8) ilovasining 2-bandi quyidagi manzumdagi o'n ikkinchi xatboshi bilan to'ldirilsin:

biologik faol qo'shimchalar — oziq-ovqat xom ashyosini qayta ishlash yo'li bilan yoki sun'iy usulda hosil qilingan hamda bevosita ovqat bilan birga iste'mol qilishga yoki oziq-ovqat mahsulotlari tarkibiga qo'shishga mo'ljallangan tabiiy yoxud tabiiyga aynan o'xshaydigan biologik faol moddalarning konsentratlari.

9) ilovasining 5-bandi quyidagi manzumdagi o'n ikkinchi xatboshi bilan to'ldirilsin:

Bunda, mazkur bandeda keltirilgan dori vositalarini olib o'tishda jismoniy shaxslar tomonidan bojxona chegarasi orqali olib o'tilayotgan dori vositalarining qanday maqsadga mo'ljallanganligini aniqlash, ya'ni ularning miqdori, olib o'tishning takroriyliigi, safarning maqsadi va uning davomiyligi hisobga olinadi.

10) ilovasi quyidagi mazmundagi 5¹-band bilan to'ldirilsin:

5¹. Jismoniy shaxslar tomonidan quyidagi biologik faol qo'shimchalar ruxsatnoma olmasdan va yo'lovchi bojxona deklaratsiyasi to'ldirmasdan olib

kirilishi yoki olib chiqilishi mumkin:

Toksiko-gigiyenik baholash uchun laboratoriya tekshiruvlariga (tabletk-100 dona, kukun-0,5 kg, kapsula-100 dona, flakon 50ml-10 dona va quritilgan-0,5 kg)

Biologik faol qo'shimchalarning ishlab chiqarilishi bo'yicha o'ramiga qarab:

suyuq holatda, sirop shaklida-10 flakondan ortiq emas;

kukun xolatda-0,5 kg, tabletk-100 dona, kapsula-100 dona yoki 4 dona PET (plastikdan yasalgan idishlar) idishdan ortiq emas;

quritilgan holatda (o'simlik guli, tana qismi va ildizi)-0,5 kg ortiq emas;

ko'rgazmalar uchun.

Biologik faol qo'shimchalar ishlab chiqaruvchining o'ramida bo'lishi kerak.

Mazkur bandda keltirilgan biologik faol qo'shimchalarni jismoniy shaxslar tomonidan olib o'tishda qanday maqsadga mo'ljallanganligini aniqlash, ya'ni ularning miqdori, olib o'tishning takroriyliqi, safarning maqsadi va uning davomiyligi hisobga olinadi.

11) ilovasining 6-band quyidagi tahrirda bayon etilsin:

“6. Jismoniy shaxslar tomonidan dori vositalari va biologik faol qo‘shimchalarni ushbu Nizomning 5 va 5¹-bandida ko‘rsatilgan me‘yordan ortiq miqdorda bojxona chegarasi orqali olib o‘tishda yo‘lovchi bojxona deklaratsiyasi bilan birga bojxona organlariga dori vositalari uchun bo‘lish yoki yashash mamlakatining tibbiyot muassasasidan bemor uchun mo‘ljallangan dori vositasining nomini, uning dorivor shaklini va davolash kursiga tavsiya qilingan miqdori ko‘rsatilgan holdagi hujjatini hamda biologik faol qo‘shimchalar uchun Sog‘liqni saqlash vazirligi Sanitariya-epidemiologik osoyishtalik va jamoat salomatligi qo‘mitasining tegishli ruxsatnomasini taqdim etishi shart.”.

3. Vazirlar Mahkamasining 2016 yil 20-iyundagi 212-son qarori bilan tasdiqlangan Bojxona bojlari va soliqlar to‘lashdan shartli ozod etish, ozod etish shartlari, shuningdek imtiyozlarning amal qilish muddatlari qo‘llaniladigan vaqtincha olib kiriladigan tovarlar ro‘yxatida:

12) 1-bandi “v” kichik bandi quyidagi tahrirda bayon etilsin:

“v) товаров, в отношении которых законодательством Республики Узбекистан прямо предусмотрено освобождение от таможенных пошлин и налогов при помещении под таможенный режим временного ввоза;”;

13) 1-bandi “s” kichik bandidan “специальной” va “не производимых в Республике Узбекистан” so‘zlari chiqarib tashlansin;

14) 2-bandi quyidagi tahrirda bayon etilsin:

“2. Освобождение от уплаты таможенных пошлин и налогов при временном ввозе товаров и транспортных средств предоставляется на следующие сроки:

Для товаров и транспортных средств, указанных в подпунктах «а» и «б» пункта 1 Перечня, - на срок аккредитации лис, указанных в этих подпунктах;

Для товаров, указанных в подпункте «в» пункта 1 Перечня, - на срок, предусмотренный законодательством Республики Узбекистан для освобождения от уплаты таможенных пошлин и налогов;

Для товаров, указанных в подпунктах «г» — «х» пункта 1 Перечня, - на срок до одного года;

Для товаров, указанных в подпункте «с» пункта 1 Перечня, — на срок реализации проектов с участием международных финансовых институтов и иностранных правительственных финансовых организаций;

Для товаров, указанных в подпункте «ш» пункта 1 Перечня, — на срок действия договора аренды (лизинга).

По истечении сроков, указанных в первой части данного пункта, к указанным товарам и транспортным средствам применяются

периодические таможенные платежи на дальнейший срок временного ввоза.”;

15) 3-bandidagi “Государственным таможенным комитетом Республики Узбекистан” so‘zlari “Таможенным комитетом Республики Узбекистан” so‘zlari bilan almashtirilsin;

4. Vazirlar Mahkamasining 2019-yil 17-sentyabrdagi 778-son qarori bilan tasdiqlangan O‘zbekiston Respublikasi hududida foydalanilayotgan, sotish yoki shaxsiy foydalanish uchun olib kiriladigan va ishlab chiqariladigan mobil qurilmalarni ro‘yxatga olish tartibi to‘g‘risidagi nizomda:

16) 14-bandi quyidagi mazmundagi yettinchi xatboshi bilan to‘ldirilsin:

“Ariza beruvchi va jismoniy shaxslar mazkur banda keltirilgan ro‘yxatga olinmaydigan hamda ro‘yxatdan o‘tkazishga yo‘l qo‘yilmaydigan holatlarni va hujjatlardagi ma‘lumotlar o‘rtasidagi nomuvofiqliklarni bartaraf etilgandan so‘ng mobil qurilmalarni ro‘yxatga olish bo‘yicha qayta murojaat qilishlari mumkin.”;

17) 49²-bandi quyidagi tahrirda bayon etilsin:

“49². Ushbu Nizomda ariza beruvchiga yoki taqdim etilgan hujjatlar va ma‘lumotlarga belgilangan talablarning buzilishi aniqlanganda yoki shunday holatlar to‘g‘risida shaxslardan kelib tushgan murojaatlarga asosan avval

ro'yxatdan o'tkazilgan IMEI-kodlar bekor qilinadi va amalga oshirilgan xizmatlar uchun qabul qilingan to'lovlar qaytarilmaydi.”;

18) quyidagi mazmundagi 49³-band bilan to'ldirilsin;

“49³. Ariza beruvchi va jismoniy shaxslar mazkur Nizom talablarini buzilishi oqibatida tizim operatori, tizim ro'yxatga oluvchisi va boshqa vakolatli davlat organlari mansabdor shaxslarining qabul qilgan qarorlari yoki sodir qilgan harakatlari (harakatsizligi) ustidan qonunchilikda belgilangan tartibda shikoyat qilish huquqiga ega.”;

5. Vazirlar Mahkamasining “Bojxona ombori, erkin ombor va boj olinmaydigan savdo do'koni faoliyatini litsenziyalash yuzasidan davlat xizmatlarini ko'rsatishning ma'muriy reglamentlarini tasdiqlash to'g'risida” 2020-yil 9-apreldagi 210-son qarori:

19) 1-ilovasi bilan tasdiqlangan Bojxona ombori faoliyatini litsenziyalash yuzasidan davlat xizmatlarini ko'rsatishning ma'muriy reglamentining 12-bandi ikkinchi xatboshisi quyidagi tahrirda bayon etilsin:

“Yuklarni litsenziya bilan ta'minlanmagan omborlardan foydalangan holda tijorat asosida saqlashga yo'l qo'yilmaydi. Bunday holatlar yuzasidan qonunchilik hujjatlarida nazarda tutilgan huquqiy ta'sir choralari qo'llaniladi.”;

20) 3-ilovasi bilan tasdiqlangan Boj olinmaydigan savdo do'koni faoliyatini litsenziyalash yuzasidan davlat xizmatlari ko'rsatishning ma'muriy

reglamentining:

7-bandi:

quyidagi tahrirdagi o'n to'qqiz xatboshisi bilan to'ldirilsin:

“xaridorning pasport seriya va raqami;”:

o'n to'qqiz – ellik to'qqizinchi xatboshlari tegishlicha yigirmanchi – oltmishinchi xatboshlari deb hisoblansin;

quyidagi tahrirdagi oltmish birinchi xatboshisi bilan to'ldirilsin:

“xaridorning pasport seriya va raqami;”:

oltmish birinchi – oltmish ikkinchi xatboshlari tegishlicha oltmish ikkinchi – oltmish uchinchi xatboshlari deb hisoblansin;

22-bandi quyidagi tahrirdagi yigirma ikkinchi va yigirma uchinchi xatboshlari bilan to'ldirilsin:

“chet el tovarlarini “boj olinmaydigan savdo do'koni” (IM-72) bojxona rejimiga joylashtirishda tovarlarning shtrix kodlari va ularning miqdori to'g'risidagi ma'lumotlarni qayd etish;

tovarlar sotilganda shakllangan chek ma'lumotlarini onlayn tarzda bojxona organlariga taqdim etish;”;

6. Vazirlar Mahkamasining 2020-yil 31-dekabrdagi 833-son qarori bilan tasdiqlangan Mahsulotlarni identifikatsiya vositalari orqali raqamli markirovkalash va ularning aylanmasini kuzatib borish qoidalarining 2-bandi “v” kichik bandi quyidagi tahrirda bayon etilsin:

“v) bojxona nazorati ostida turgan hamda raqamli marirovkalash sharti bilan erkin muomalaga chiqarish bojxona rejimiga rasmiylashtirilgan mahsulotlarga;”;

7. Vazirlar Mahkamasining 2021-yil 18-yanvardagi 21-son qarori bilan tasdiqlangan O‘zbekiston Respublikasi Davlat bojxona qo‘mitasining Milliy kinologiya markazidagi xizmatga yaroqsiz itlarni sotish tartibi to‘g‘risida nizomning 11-bandi quyidagi mazmundagi ikkinchi xatboshisi bilan to‘ldirilsin:

“It sotuvga qo‘yilgandan so‘ng nobud bo‘lganda yoki kasal bo‘lib qolganda yohud tan jarohati olganda sotib oluvchi bilan shartnoma tuzish rad etiladi.”;

8. Vazirlar Mahkamasining 2022-yil 31-dekabrdagi 737-son qarori bilan tasdiqlangan Tovar va transport vositalari bilan tranzit operatsiyalarini amalga oshirish tartibi to‘g‘risidagi nizomda:

21) 2-bandi yettinchi xatboshi quyidagi tahrirda bayon etilsin;

“jo‘natuvchi bojxona organi - qaysi bojxona organi faoliyat ko‘rsatish zonasida tovarlarni bojxona nazorati ostida tashish boshlanadigan bo‘lsa, o‘sha bojxona organi;”;

22) 2-bandi o‘ninchi xatboshi quyidagi tahrirda bayon etilsin;

“tovar kelib tushadigan bojxona organi - qaysi bojxona organi faoliyat ko‘rsatish zonasida tovarlarni bojxona nazorati ostida tashish tugallanadigan bo‘lsa, o‘sha bojxona organi;”;

23) 7-bandi birinchi xatboshi quyidagi tahrirda bayon etilsin;

“tovar va transport vositalari respublika hududidan olib chiqilayotganda, bundan reeksport bojxona rejimidagi tovarlar olib chiqilishi mustasno;”;

24) 13-bandi quyidagi mazmundagi “v” kichik band bilan to‘ldirilsin:

“v) havo transportida xalqaro tashish chog‘ida:

yuk qaydnomasi;

avia yuk xati;

tijorat hujjatlari;

tovarlarning bojxona chegarasi orqali harakatlanishida taqiqlar va cheklovlarga rioya qilinganligini tasdiqlovchi hujjatlar, agar bunday

harakatlanish ushbu hujjatlar mavjudligida ruxsat berilgan taqdirda;”;

25) 22-bandi quyidagi tahrirda bayon etilsin:

“22. Axborot tizimida tovar va transport vositasi yetkazib berilganligi fakti tasdiqlangandan so‘ng bojxona tranziti bojxona rejimini yakunlanadi.”;

26) 23-bandi quyidagi tahrirda bayon etilsin:

“23. O‘zbekiston Respublikasining xalqaro shartnomalarida tovarning kuzatuv hujjatlariga bojxona organlari tomonidan belgi qo‘yilishi ko‘zda tutilgan hollarda mazkur Nizomning 21-bandi talablari bajarilgandan so‘ng tashuvchi kuzatuv hujjatlarini tovarlar kelib tushadigan bojxona organiga belgi qo‘yish uchun taqdim etadi.

Kuzatuv hujjatlari taqdim etilgandan so‘ng tovar kelib tushadigan bojxona organi tegishli belgini qo‘yadi va tashuvchiga qaytarib beradi.”;

27) 24-bandi quyidagi mazmundagi ikkinchi xatboshi bilan to‘ldirilsin:

““Vaqtincha saqlash” maqomidagi turgan tovarlarni belgilangan muddatda boshqa bojxona rejimiga joylashtirishga mas‘ul shaxsning ma‘lumotlari deklarant yoki uning nomidan ish ko‘ruvchi vakolatli shaxs tomonidan Bojxona qo‘mitasining “Bojxona va yuk operatsiyalari” axborot tizimida tasdiqlanadi.”;

28) ilovasining “2-bosqich” qatori quyidagi tahrirda bayon etilsin:

2- bosqich	Bojxona organi axborot tizimi	Tashuvchi tomonidan tovar va transport vositasi belgilangan manzilga yetkazib berilgandan hamda chegara bojxona postida hisoblangan yig'imlar to'langandan so'ng bojxona organi axborot tizimida tovar va transport vositasi yetkazib berilganligi hamda yig'imlar to'langanligi tasdiqlanadi hamda bojxona tranziti bojxona rejimi yakunlanadi	Real vaqt rejimida
	Tashuvchi	O'zbekiston Respublikasining xalqaro shartnomalarida tovarning kuzatuv hujjatlariga bojxona organlari tomonidan belgi qo'yilishi ko'zda tutilgan hollarda mazkur Nizomning 21-bandi talablari	Ish vaqtida uch soat ichida

		bajarilgandan so'ng tashuvchi tovarlar kelib tushadigan bojxona organiga belgi qo'yish uchun taqdim etadi	
	Tovarlar kelib tushadigan bojxona organi	Kuzatuv hujjatlari taqdim etilgandan so'ng tovar kelib tushadigan bojxona organi tegishli belgini qo'yadi va tashuvchiga qaytarib beradi	O'ttiz daqiqa ichida

9. Vazirlar Mahkamasining “Avtomobilda yuk va yo'lovchilarni xalqaro tashishning ruxsatnoma tizimini takomillashtirishga doir qo'shimcha chora-tadbirlar to'g'risida” 2023-yil 7-iyuldagi 277-son qarorining 3-bandi quyidagi tahrirda bayon etilsin:

“3. O'zbekiston Respublikasi Transport vazirligi bojxona organlari axborot tizimlari ma'lumotlaridan foydalangan holda davlat chegarasi orqali avtomobil o'tkazish punktlarida xorijiy tashuvchilar tomonidan avtomobilda xalqaro yuk tashishning ruxsatnoma tizimiga rioya etilishi ustidan davlat nazoratini hamda yuklarni xalqaro tashish turlari belgilangan mezonlar va tartibga muvofiq aniqlanishini ta'minlasin.”.